



partii naleraq

UKA 2016/028-01

29-09-2016

**Sermip erngullu avammut nioqqutissatut atorneqarnissaat pillugu Inatsisartut inatsisaata allanngortinneqarneranik Inatsisartut inatsisaat nr.xx, yy 2016-imeersoq. (Avammut annissuinissamut pisortani pilersuisumit sermimik imermillu pisinissamut inatsisini tungaviusup allanngortinneqarnera)**

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

Sermip erngullu avammut nioqqutissatut atorneqarnissaat pillugu Inatsisartut inatsisaata allanngortinneqarnissaanut siunnersuut Partii Naleraq sinnerlugu imannak oqaaseqaateqaassuugut:

Tupinnaraluartumik imeq, imerujussuaq nunatsinniik avammut niuerutigineqarniarnera iluatsikkuminaatsingaarsigut kiisa imermik ulluinnarni atukkatsinniik sinneruttoq avammut tunisassiarinissaa aamma inatsisikkut tullinnguupparput.

Ila soorlu tamaanga killinnissaq pisariaqassanngikkaluortoq ? tassami tamanit ilisimaneqarpoq imeq sermerlu naammattorsuit pigireeraluarigut.

Taamaammatt uagutsinnut aperisariaqarpugut, sooq taama imermik nunatta avataanut niuerutiqarniarnitsinni angusaqarnerlutsigaangut ? Sooruna imermik avammut niueruteqarniarnitsinni iluatsitsinngitsoortugut, taamalu nunarsuarmioqatitta ilarparujussui imermik amingaateqartigisut ? ilaa eqqumiik ?

Uffa assersuutigalugu Qeqertarsuarmi imeq puilaannartoq, tassaniluunniit najugaqartunik tunisassiarineqarnissaanut pitsaanerusunik aqutissiuunneqarsinnaanngitsoq ?

Tassani qularnanngitsumik uagut nammineeirluta aamma aporfissaqartitsivallaarsimavugut, soorlu assersuutigalugu erngup nunatsinniik avammut tuniniarneqarnerani akitsuummik qaffasitsivallaarnikkut ?

Tusaamavarput nunani qanitatsinni iluliarsuit nunatsinniit kaanngarlutik avalattut, umiarsuarnik kalillugit iluaqutigisaraat. Uagut suvugut ? suliffissanik pilersitsinissat eqqartortuarpavut, kisiannili piviusunngortitsiniarnerit ajornartorsiuutigalugit, imaluunniit siunnersorneqartarnivut pitsaanerusariaqalinnnginnersut eqqartornerusariaqannginnerlugu ? eqeersimaarnerulertariaqarpugut !

Kisianni soorunami misilitassat suulluunniit misilinneqartariaqarpugut, taamaattumik imeq ulluinnarni atukkatsinniik sinneruttoq avammut niuerutigalugu misilittariaqarpugut.

Taama naatsumik oqaaseqarlut siunnersuut taperserlugu Inuussutissarsiornermut, Suliffeqarnermullu ataatsimiititaliami suliarineqarnissaa inassutingaarput.